

արդիւնք ընդհանուր շահերի, կը դառնայ միանգամայն բնական ու ցանկալի բոլոր կողմերի համար անխտիր: Ո՛չ Վրաստանը, ո՛չ Ադրբեյջանը եւ ո՛չ Հայաստանը ի վիճակի են ստեղծուած պայմաններում՝ կատարելապէս անկախ ապրելու: Նրանք իրար կարիքն ունին եւ փոխադարձաբար իրար լրացնում են: Միմիայն սերտօրէն միացած, ներքնապէս ամբակազմ Անդրկովկասը հնարաւորութիւն ունի՝ ստեղծելու եւ պահպանելու քաղաքական ինքնուրոյն գոյութիւն: Վերջինս անկարելիութիւն պիտի դառնայ, եթէ այդ միութեան միջից հանուի նրա բաղադրիչ մասնիկներէից մէկը, թէկուզ ամենաթոյլը: Մեր հարեւանները չարաչար սխալուած են — մանաւանդ վրացիք — եթէ կարծում են, որ անկարելի բան չէ Անդրկովկասի միութիւնը այս կամ այն ձեւի տակ — դաշնակցային, համադաշնակցային կազմ կամ այլ ինչ — առանց Հայաստանի եւս, մինչեւ իսկ՝ նրա դէմ ու նրա հաշուին: Մեր հարեւանների նման դատողութեան ելակէտը ո՛չ թէ ներքին — անդրկովկասեան ուժերի հաշուառումն է, այլ՝ արտաքին ուժերի: Այդտեղ է նրանց հիմնական սխալը: Բայց նրանք, յատկապէս վրացիք, այդպէս դատելով՝ մոռանում են, որ արտաքին ազգակները միմի երկասյրի սուրբեր են:

II

Այսպիսով մի կողմից կովկասեան ժողովուրդների համադաշնակցութեան խնդիրն է առաջ դալիս, իսկ միւս կողմից՝ Հայաստանի եւ իր արտաքին հարեւանների յարաբերութեան խնդիրը: Այս վերջինների թուում առաջին տեղը տալու է բնականաբար, Ռուսաստանից դուրս, Տաեկաստանին:

Մեր արտաքին հարեւանների շարքում է գտնուում նաեւ Պարսկաստանը: Որպէս արտաքին ազգակ անտես առնելու չէ վերջապէս քիւրդ տարրը:

Եւ սակայն այդ հարցերը ինքնին այնչափ բարդ են եւ ծանրակշիռ, որ անկարելի է այս շրջանակում հանգամանօրէն կանդ առնել նրանց վրայ: Երբ մենք ձեռք զարկենք Հայաստանի եւ նրա հարեւանների փոխադարձ յարաբերութեան խնդիրը շօշափելու, մտածում էինք պարզել մեր տեսակէտները եւ խոհերը

ո՛չ միայն մեր ու մեր անդրկովկասեան, այլ մեր ու մեր արտաքին հարեւանների քաղաքական յարաբերութեանց մասին: Եւ սակայն շատ շուտով եկանք այն համոզման, որ քաղաքական դատումները ընթերցող լայն հասարակութեան համար որեւէ օգուտ ունենալ չեն կարող առհասարակ ամէն մի դատողութեան հիմը կազմող իրակա՛ն վիճակը տուեալ երկրի մնում է անձանօթ: Ուստի գերադասեցինք՝ «Հայրենիք»-ի ընթերցողներին նախ եւ առաջ նիւթեր տալ Հայաստանի, Վրաստանի ու Ադրբեյջանի, այլ եւ Անդրկովկասի փոքր ազգութիւնների մասին — այդ երկիրների տարակարծութեան, նրանց բնակչութեան թուի, տնտեսական եւ մշակութային կարողութեանց, հողային յարաբերութեանց մասին, եւ այլն: Այդ արինք այն համոզումով, թէ միայն ճշգրիտ ծանօթութեամբը մեր եւ հարեւան երկիրների՝ հնարաւոր է մշակել մի քաղաքականութիւն, որ ամուր կեցած լինէր իրական զետի վրայ, թէ՛ ամէն մի ուղեգիծ երկէտ ունենալու է սեփական ուժերի գիտակցութիւնը եւ հարեւան ուժերի ճանաչութիւնը առանց ստորազնահատելու, բայց եւ՝ առանց զերազնահատելու նրանց:

Հայաստանի եւ հարեւան երկիրների իրականութիւնը պարզելուն զուգընթաց՝ մենք արինք մեր դատումները եւս, պարզեցինք որոշ տեսակէտներ, հարկաւ երակէտ ունենալով Հայաստանի քաղաքական շահերը: Մենք ներկայացրինք Անդրկովկասի ներքւ գոյութիւն ունեցող տարածաշուրջիները եւ նրանց պատճառները, ներկայացրինք յատկապէս այն հողային պահանջները, որ Հայաստան ունի հարեւան երկիրների հանդէպ: Անտես չարինք վէճի առարկայ խնդիրների պատմական կողմը եւս:

Հայաստանի եւ նրա արտաքին հարեւանների փոխադարձ յարաբերութիւնը բազմակողմանիօրէն լուսարանելու համար հարկ պիտի լինէր նոյնպիսի մանրամասնութեամբ կանդ առնել նաեւ այդ վերջինների վրայ: Բայց որովհետեւ առանց այն էլ սպասածից շատ ընդարձակուեցաւ այս յօդուածների շրջանակը, ուստի կը բաւականանանք համառօտ ախնար-